

Bonngoe le Likamano tse Senyehileng



SABATHA MANTSIBOEA

Bakeng sa Boithuto ba Beke Ena Bala:

2 Tim. 4:11, Filemone 1–25, 2 Ba-Kor. 10:12–15, Ba-Roma 5:8–11, Ba-Ef. 4:26, Matt. 18:15–17.

Teman'a Khopolo:

“Hobane esitile re sa ntse re le lira, re bile ra boelanngoa le Molimo ka ho shoa ha Mora oa oona, haholo joale, ha re se re boelantsoe, re tla bolokeha ha ka kang ka ho phela ha hae!” (Ba-Roma 5:10).

Joalokaha re bone, le kamor'a Pentekonta kamano e pakeng tsa balumeli e ne e na le ho tsaleha. Testamente e Ncha e tlaleha ka makhetlo khetlo kamoo baetapele le litho ka bo mong ba sebetsaneng le liqholotso tsena. Litšiea tseo li bohlokoa le bakeng sa kereke kajeno. Li bontša litholoana tse molemo tse ka hlahisoang ke ho sebelisa litšiea tsa Bibe le ho sebetsana le likhohlano 'me e be re boloka bonngoe ho Kreste. Thutong ea beke ena, re tla talima likamano tse boelaneng le kamoo likamano tsa rona tsa botho li amang bonngoe ba rona ho Kreste. Bosebeletsi ba Moea o Halalelang bo kenyeletsa ho atametsa batho ho Molimo le e mong ho e mong. Bo kenyeletsa ho rapalatsa marako a teng kamanong ea rona le Molimo leho rapalatsa marako a likamanong tsa rona e mong le e mong. Ka bokhutšoanyane, pontšo e kholo kaho fetisisa ea matla a evangeli ha se ha ka kang seo kereke e se bolelang empa kamoo kereke e phelang kateng. “‘Seo ba tla tseba ka sona hobane le barutuo ba ka ka sona, ke ha le ratana’” (Johanne 13:35). Kantle ho lerato lena lipolelo tsohle tsa rona ka bonngoe ba kereke ha li na re tsoela molemo oa letho.

**Ihute thuto ea beke ena ho lokisetsa Sabatha sa la 8 Tšitoe.*

Setsoalle se Buselelitsoeng

Pauluse le Barnabase ba ne ba sebetsa hammoho ho paka ka Jesu. Empa ba ne ba sa utloane ka maikutlo a hore na ba ka tšepa motho ea letsoalo joaloka Johanne Mareka (Liketso 15:36–39). Khonahalo ea ho ba kotsing ka lebaka la ho ruta evangeli e ile ea bakela Johanne Mareka hore a khutlele hae (Liketso 13:13). “Khaohano ena e ile ea etsa hore Pauluse a nke Mareka hampe, ’me ka tsela e thata, ka nakoana. Barnabase, eena, o ne a na le tšekamelo ea ho mo utloela ka lebaka la boiphihlelo ba hae. O ne a tšoenyehile hore Mareka a se tšoe a lahla bosebeletsi, hobane o ile a bona ho eena makhabane a ka mo lokisetsang ho ba mosebetsi oa bohlokoa oa Krete.”—Ellen G. White, *The Acts of the Apostles*, leq. 170. Leha Molimo o sebelisitse batho bana kaofela, litaba tse lipakeng tsa bona li ne li hloka ho lokisoa. Moapostola ea neng a rutila ka mohau o ne a lokela ho bontša mohau ho moruti e monyenyanane ea neng a mo phoqile. Moapostola oa tšoarelo o ne a lokela ho tšoarela. Johanne Mareka o ile a hola tataisong e khothatsang ea Barnabase (Liketso 15:39), ’me, qetellong, pelo ea Pauluse e ile ea angoa ke liphetho tseo.

Mangolo a Pauluse ho Timothea le kereke e Kolose a bontša joang kamano e nchafetseng ea hae le Johanne Mareka le tšepo e ncha ho moruti eo e monyenyanane? Ba-Kol. 4:10, 11; 2 Tim. 4:11.

Leha lintlha tsa poelano ea Pauluse le Johanne Mareka li sa pharalla, empa tlaleho ea Bible e hlakile. Johanne Mareka o ile a fetoha e mong oa balekane ba tšepo joang ba Pauluse. Pauluse o khothalelitse Johanne Mareka ho kereke e Kolose e le “mosebetsi ’moho.” Pheletsong ea bophelo ba Pauluse, o ile a kopa Timothea ka matla hore a tle le Johanne Mareka ho eena Roma kahobane a ne a le “molemo ho ’na tšebetsong ea lentsoe.” (2 Tim. 4:11). Bosebeletsi ba Pauluse bo ile ba nontšoa ke moruti enoa e monyenyanane, eo ho hlakileng hore o ne a se a mo tšoaretse. Lerako le pakeng tsa bona le ne le se le rapalletse, ’me ba ne ba se ba tseba ho ka sebetsa hammoho bakeng sa evangeli. Taba efe kapa efe e neng e le teng lipakeng tsa bona, le hore a Pauluse o ne a lumela hore o nepile hakae mabapi le boitšoarano ba hae pejana ha a lebile Johanne Mareka, tseo tsohle li ne li se li fetile joale.

Re ka ithuta ho tšoarela ba re utloisitseng bohloko le ho re phoqa joang? Ka nako eona eo, hobane ha tšoarelo e sa kenyetsetse puseletso e felletseng ea kamano ea pele kamehla? Hobaneng e lokela ho etsa joalo?

Ho Tloha ho Mohlanka ho ea ho Mora

Ha a ntse a le chankaneng Roma, Pauluse a teana le mohlanka Onesima ea neng a thobile a tsoa Kolose a thobetse Roma. Pauluse o ile a hlokomela hore o tseba monga Onesima ka sebele. Epistole ea Filemone ke lengolo la Pauluse leo a neng aipiletsa ka lona ho motsotsoalle oa hae mabapi le kamano e buselelitsoeng le mohlanka ea neng a thobile. Likamano li ne li le bohlokoa ho Pauluse. Moapostola o ne a tseba hore likamano tse senyehileng li kotsi ho kholo ea semoea le ho bonngoe ba kereke. Filemone e ne e le moetapele oa kereke Kolose. Haeba a ne a bolokile lenyatso khahlanong le Onesima, le ne le tla taka bopaki ba hae ba Bokreste le bopaki ba kereke ho sechaba se sa lumelang.

Bala Filemone 1–25. Re ka fumana litšiea life tsa bohlokoa ka likamano tse buselelitsoeng moo? Hopola, lentsoe la matlha ke litšiea.

Ha u talima lekhetlo la pele ho batla ho makatsa hore Pauluse ha a bue ka matla a fetisang khahlanong le bohe ba ho etsa makhoba. Empa leqheka la Pauluse le sebelitse hantle haholo. Evangeli, hantle-ntlle, e rapalatsa lihlopha tsa maemo a batho (Ba-Gal. 3:28; Ba-Kol. 3:10, 11). Moapostola o ile a romela Onesima morao ho Filemone, e se e se mohlanka empa e se e le mora oa hae ho Jesu hape e le “moena ea ratoang haholo” Moreneng (Filemone 16). Pauluse o ne a tseba hore bahlanka ba thobileng ba ne ba e-na le bokamoso bo lerootho. Ba ne ba ka tsoaroa neng kapa neng. Ba ne ba le tsuong ea bophelo ba bohloki le bofumanehi bophelong. Empa joale, joaloka moena oa Filemone ho Krete le mosebeletsi ea itsetseng, Onesima o ne a ka ba le bokamoso bo chabileng. Lijo tsa hae, bolulo, le mosebetsi li ne li ka sireletseha tlas’a Filemone. Puseletso ea kamano e senyehileng e ne e tla etsa phapano e kholo bophelong ba hae. O ile a fetoha “ngoaneso ea tšepelang ea ratehang” le mosebetsi ’moho le Pauluse (Ba-Kol. 4:9). Pauluse o ne a le sehlahlo haholo, a tsitlalletse haholo, takatsong ea hae ea poelano pakeng tsa bona hoo a neng a ikemiselitse ho ntša pokothong ea hae ho lefa lilthoko life kapa life tsa chelete tse ka beng li etsahetse pakeng tsa bana ba babeli ba lumetseng ho Jesu.

U okha litšieeng tsa Bible tse bonahetseng mona, ke eng seo u ka ikukelang sona ho u thusa ho sebetsana le likhatello tsa maikutlo le likhohlano, kapa hona ho senyeha ha likamano hoo e ka bang u bile le hona le ba bang? Litšiea tsee li ka thibela ho pshatleha ha bonngoe ba kereke ea heno ea lehae joang?

Lineo tsa Moea Bakeng sa Bonngoe

Joalokaha re bone thutong ea pejana, kereke e Korinthe e ne e na le mathata a tebileng. Ke litšiea life tseo Pauluse a li lotomanyang ho 1 Ba-Korinthe 12:1–11, le 2 Ba-Korinthe 10:12–15 bakeng sa pholo le puseletso, tse leng bohlokoahali bakeng sa bonngoe ba kereke?

Litemaneng tsena moapostola o lotomanya litšiea tse bohlokoa bakeng sa bonngoe ba kereke. O supa hore Jesu o sebelisa basebetsi ba fapaneng ho fihlela bosebeletsi bo fapaneng kahare ho kereke ea Hae, leha e mong le e mong a sebetsa hammoho molemong o aho aha 'muso oa Molimo (1 Ba-Kor. 3:9). Molimo o re bilelitse tšebeliso 'moho e seng tlholisano. Molumeli ka mong o filoe ke Molimo ho sebelisana 'moho ho sebeletsa 'mele oa Krete le ho sebeletsa sechaba (1 Ba-Kor. 12:11). Ha ho na lineo tse nyane kapa tse kholo ho feta tse ling. Li hlokeha kaofela kerekeng ea Krete (1 Ba-Kor. 12:18–23). Lineo tsa rona tseo re li neiloeng ke Molimo ha rea li neoa bakeng sa boikhabo, 'me li fanoa ke Moea o Halalelang bakeng sa tšebetso ea khaso ea evangeli. Boipapiso le ba bang ha se bohlae, hobane ba ka re etsa re ikutloe re nyahame kapa re le makoko. Haeba re nahana hore ba bang ba re “fetisa” haholo, re tla nyahama ha re ka ipapisa le bona 'me re ka nyahama habonolo bosebeletsing bofe kapa bofe boo re leng ho bona. Ka lehlakoreng le leng, haeba re nahana hore bosebeletsi ba rona ho Molimo bo tsamaea hantle ho feta ba ba bang, re tla ba le boikhohomoso, e leng boikutlo ba ho qetela boo Mokreste a lokelang ho ba le bona. Maitšoaro ka bobeli a koafatsa tšebetso ea rona bakeng sa Krete le kopano eo re nang le eona e mong ho e mong. Ha re sebetsa boemong boo re nang le tšusumetso ho bona ho ea kamoo Krete a re neileng kateng, re tla fumana thabo le khotsofalo ha re pakela Krete. Tšebetso ea rona e tla tlatsetsa maleke a litho tse ling, 'me kereke ea Krete e tla akofa ka matla a maholo bakeng sa 'muso.

Na u ka nahana ka motho e mong eo lineo tsa hae bosebeletsing li u baketseng mona? (Ha ho thata, kapa joang?) ka nako e tšoanang, ke hangata ha kae u ikutloileng u le motlotlo ka lineo tsa hau ha u li bapisa le tsa ba bang? Taba-tabane ke hore khathatseho ea Pauluse ke taba e lulang e le teng bathong ba oeleng. Ho sa natse lehlakore leo u leng ho lona, re ka ithuta katameloe e hlohang boikhabo joang e hlokehang ho boloka bonngoe ho Krete?

Tšoarelo

Tšoarelo ke eng? Na tšoarelo e arabella boitšoarō ba e mong ea re foselitseng hampe-mpe? Na tšoarelo ea ka e itšetlehile holim'a pako ea ea sitiloeng? Teng haeba eo ke mo koatetseng a sa lokeloe ke tšoarelo?

Litemana tse latelang li re thusa joang ho utloisisa sebopeho sa tšoarelo ea Bibeleng? Ba-Roma 5:8–11; Luka 23:31–34; 2 Ba-Kor. 5:20, 21; Ba-Ef. 4:26.

Kreste o ile a nka boikhathatso ba pele ba ho re boelanya le Eena. Ke “molemo oa Molimo o ... khannelang pakong” (Ba-Roma 2:4). Ho Kreste re boelantsoe le Molimo re sa le baetsalibe. Pako ea rona le boipolelo ha li tlise poelano. E bile lefu la Kreste sefapanong; karolo ea rona ke ho amohela seo re se etselitsoeng.

Ke 'nete hore ha re ka ke ra amohela tlhohonolofatso ea tšoarelo ho fihlela re boletse libe tsa rona. Hona ha ho bolele hore boipolelo ba libe tsa rona bo kenya tšoarelo pelong ea Molimo. Haesale tšoarelo e le teng pelong nako ena eohle. Boipolelo, hantle, bo re thusa ho e amohela (1 Johanne 1:9). Boipolelo bo bohlokoa haholo, e seng hobane bo fetola katamelo ea Molimo empa hobane bo fetola katamelo ea rona ho Eena. Ha re inehela matleng a kholisang a Moea o Halalelang hore re bake 'me re ipolele libe tsa rona, rea fetoha. Tšoarelo hape e bohlokoa bakeng sa katleho ea semoea sa rona. Ho hloleha ho tšoarela e mong ea re sitetsoeng, leha e ba ha ba lokeloe ke tšoarelo, ho ka re utloisa bohloko ho feta bona. Haeba e mong a u sitetsoe 'me bohloko bo ntse bo tota kahare kahobane u sitoa ho tšoarela, u ba lumella ho u utloisa bohloko le ho feta. Ke hangata ha ka kang maikutlo ao le bohloko li fetohang sesosa sa likhaohano le tsitsipano kahare ho kereke. Bohloko bo sa rarolloang pakeng tsa litho tsa kereke bo hlokoefatsa bonngoe ba 'mele oa Kreste. Ho tšoarela ke ho lokolla e mong tsuong ea rona hobane Kreste le Eena o re lokollotse tsuong ea hae. Ha e buelle boitšoarō ba e mong ho rona. Re ka boelana le motho e mong ea re sitetsoeng, hobane Kreste o ile a re boelanya le Eena ha re mo sitetsoe. Re ka tšoarela hobane re tšoaletsoe. Re ka rata hobane re ratiloe. Tšoarelo ke khetho. Re ka khetha ho tšoarela ho sa natse liketso le boitšoarō ba motho e mong. Oona ke oona moea oa 'nete oa Jesu.

Ho tsepamisa likelello tšoaolong eo re nang le eona ho Kreste ho ka re thusa joang ho ithuta ho tšoarela ba bang? Ke hobaneng ha tšoarelo ee e le karolo ea bohlokoa ha kaale boiphihlelong ba rona ba Bokreste?

Puseletso le Bonngoe

Bala Mattheu 18:15–17. Ke mehato efe e meraro eo Jesu a e fanang ho re thusa ho rarolla likhohlano ha re sitetsoe ke setho se seng sa kereke? Re ka sebelisa mantsoe ana joang maamong a rona a hajoale?

Takatso ea Jesu ea ho fana ka keletso ea Mattheu 18 ke ho boloka likhohlano tse lipakeng tsa batho kahare ho kereke li le har'a sehlopha se senyane kamoo ho ka khonehang. Sepheo ke hore batho ba babeli ba qabaneng ba itharollele bothata ka bo-bona. Ke kahona Jesu a phatlalatsang hore, “'Ekare ha ngoan'eno a u sitetsoe, e-ea, u mo laee u e-na le eena a 'notši'” (Matt. 18:15). Ha palo ea batho ba amehang qoaketsanong ea batho ba babeli e ntse e eketseha, qoaketsano e ka eketseha, 'me e ka eketsa ho ama kopano ea balumeli ba bang. Batho ba nka mahlakore, 'me mela ea ntoea ea sehoa. Empa ha Bakreste ba leka ho rarolla liphapang tsa bona ka lekunutu, le ka moea oa lerato oa Bokreste le kutloisisano, ho ba le moea oa poelano. Moea o lokile bakeng sa Moea o Halalelang hore o sebetse le bona ha ba leka ho rarolla liphapang tsa bona.

Ka linako tse ling maipiletso a rona a botho ho rarolla likhohlano ha a sebetse. Boemong bona Jesu o re eletsa ho mema a le mong kapa ba babeli ho ba 'moho le rona. Mohato oa bobeli poelanong kamehla o lokela ho latela oa pele. Sepheo ke ho kopanya batho, e seng ho ba arola ho tsoela pele. A le mong kapa ba babeli ba kopanang hammoho le ba sitetsoeng ha ba tle ho paka hore o nepile kapa ho bea e mong molato. Ba tla ka lerato la Bokreste le lerekola ho kopanya ba babeli ba khaohaneng.

Ho na le maemo ao maleke ohle a ho rarolla bothata a sa sebetse. Boemong bona, Jesu o re laela ho tlisa taba ena kapele ho kereke. Kannete ha a bue ka ho emisa thapelo ea Sabatha hoseng ka lehare ka taba ea khohlano ea batho. Sebaka se nepahetseng bakeng sa ho hlalaha taba ena haeba mehato e 'meli ea pele e sa thuse ho boelanya bana ba babeli, ke leihlo la kereke. Hape, sepheo sa Kreste ke poelano. Ha se ho bea lehlakore le leng molato le ho hlohlolla e mong. “Se ke oa lesa lenyatso ho butsoa ho fihlela le e-ba lehloeo. Se ke oa lumella leqeba ho petla le be le phatlohe ka mantsoe a chefo, a senyang likelello tsa ba a utloang. Se ke oa lumella mehopollo ea khalefo ho tsoela pele ho tla ka kelellong ea hau le ea hae. E-ea ho moena oa hau, 'me ka boikokobetso le tieo u bue le eena ka taba eo.”—Ellen G. White, *Gospel Workers*, leq. 499.

Ho Ithuta Haholoanyane:

Read the article “Forgiveness,” maq. 825, 826, ho *The Ellen G. White Encyclopedia*. “Ha basebetsi ba na le Kreste a lula meeng ea bona, ha bo-’na bohle bo timetse, ha ho se na bora, ho se na toantšano ea ho okamelana, ha bonngoe bo rena, ha ba ikhalaletsa, hoo lerato la e mong ho e mong le bonahalang le ho utloahala, ke moo likhororo tsa mohau oa Moea o Halalelang o tla fela o oele holim’a bona joaloka ha tšepiso eo e ke ke ea hlolela le ka jota kapa tlhaku e le ’ngoe.”—Ellen G. White, *Selected Messages*, buka ea 1, leq. 175. “Haeba re ka ema letsatsing la Morena le Kreste e le setšabelo sa rona, qhobosheane ea rona e phahameng, re lokela ho tlosa mona oohle le maleke a ho hlolisa ba bang. Re lokela ho senya metso ea lintho tsena tse sa halalelang ka botlalo, hore li se boele li khutlela bophelong hape. Re lokela ho ipeha ka lehlakoreng la Morena ka botlalo.”—Ellen G. White, *Last Day Events*, leq. 190.

Lipotso tsa Puisano:

1. Bala Ba-Kolose 3:12–17. Buisanang ka makhabane a Bokreste ao Pauluse a khothaletsang kereke e Kolose ho a batla. Hobaneng ha makhabane aa e le mohloli oa tharollo ea mathata? A re tataisa joang ho sebetsa litšiea tseo Jesu a re fang tsona ho Mattheu 18:15–18?
2. Talima Ba-Kolose 3:12–17 hape le lithuto tse fumanehang litemaneng tsena. Hobaneng ha lintho tsena li le bohlokoahali bakeng sa bonngoe ba kereke?
3. Haeba re ka talima kereke ea rona, ke hore, Kereke ea Baleti ba Letsatsi la Bosupa ka botlalo, ke eng e re thibelang ho ba le mofuta oa bonngoe o hlokehang hore re fihlele lefatše? A na ke lithuto tsa rona? Che, ha ho joalo. Tsena ke tsona lintho tseo Molimo a re fileng tsona hore re li phatlalatsa lefatšeng. Mohlomong bothata bo ho rona, likamanong tsa rona e mong le e mong, mena e fatše, likhang tsa rona, boikhabo ba rona, takatso ea rona ea ho feta ba bang, le lintho tse ling tse ngata-ngata. Ke hobaneng ha u lokela ho kopa matla a Moea o Halalelang hore o tlise liphetoho tse lokelang ho etsahala ho uena pele re ka bona bonngoe ba kereke ka botlalo?

Kakaretso: Evangeli ea Jesu Kreste ke ea pholiso le phetoho. ’Me ha tsena li ba teng, li sitoa ho se ame likamano tsa rona le ba bang. Bible e re fa litšiea tse matla le mehlala ea kamoo re ka bang le likamano tse ntle le tse tiileng le ba bang, le hona lefatšeng la sebe.